

洪恩靈濟真君事實



洪恩靈濟真君事實

壹十

御製靈濟宮碑

朕惟自古英賢生爲名臣著芘民之功沒
爲明神贊天地之化鼓動流湯盪行平兩間
以蔭福斯民禦災捍患歛枯吹生濯濯洋洋
洋如在其上如在其左右者非智慮所可
得而測也詩曰神之格思不可度思矧可
射思其此之謂歟惟

九天金闕明道達德大仙顯靈溥濟真人江

王

九天玉闕宣化扶教上仙昭靈博濟真人饒
王其功德充溢蓋若是已神南唐之宵生
有民社之勲沒錄仙班之籍伯仲齊美華
萼聯芳領職

上天耀靈下土呼吸感應電邁風行下民是

章十

冒父母其依慈祥仁愛物賴以寧乃者朕
躬弗豫用藥百計罔底于效神默運稍靈
翊衛朕躬頃刻弗違隨叩隨應屢顯明徵
施以靈符天醫妙藥使殆而復安仆而復
起有回生之功恩惠博矣盛矣朕揆德涼

薄何由獲茲永懷神德曷其能忘海岱嶽
峻其焉有極蓋有功必報國之恒典是用
祝冊加封神號伯曰清微洞玄沖虛妙感
慈惠護國庇民洪恩真君仲曰高明弘靜
沖湛妙應仁惠輔國祐民洪恩真君舊號
俱如故大新廟宇亢爽軒豁稱神所棲爰
勅有司虔潔香火春秋祭祀歲易時衣給
灑掃五戶表朕悃悞答神鴻休雖然神功
之厚而報賚之薄神固無責於報否在朕
心有不能已矣夫天地之德曰生神體天

地之道弼亮化機出幽入明翕張歛忽遊太清監觀四方濟利群生功在霄壤昭昭若此固有不可得而名言者乃彰神績勒于貞石樹之于廟垂示無窮并系以詩曰

壹十

二

天產英靈為世傑 出入幽明猶一覲
生著勲勞保甌粵 沒為明神崇偉烈
芒芒海甸倚芘樾 雨暘寒燠調以制
冬無凌兢夏無暘 沴氣遠殄靡颺颺
下稔高黍歲穰築 驅拂不祥走祲蠱

晨鍾暮鼓樂髻羞

卓彼鰲峯峻且巖

蜿蜒回抱天造設

春蘭薦芳秋鞠馥

寒泉白石漱清潔

神之遊兮羽葆翳

飛雲翩翩導幢節

歛來忽往靈僊僊

呼吸響應速以偈

濟利溥博無時愒

四時報享繁獻醴

衛朕之功疇與埒

惟矢銘心與刻骨

書恩著德勒堅碣

垂示萬古昭日月

永樂十五年五月初一日

二真成仙

徐知證系出偃王之後五代時南唐人與其弟知諤並英邁絕倫寬仁愛物忠君孝親崇信三寶同心好善精勤至道修齋設醮日常持誦玉皇真經并寶號兄弟俱事吳其後知

志五十一

三

證封江王知諤封饒王鎮金陵戰守有備撫輯流亡控扼二十餘州氓征就寬軍給以饒林蠻洞蠻守條死要稚羞嬉遊連手歌謳上無所怨下無所讎江南之民舉賴以安後奉命帥師攻閩恐良善荼毒乃發至願每五更

望北拜斗早膳恒素食祈殄兵革所至勞來
百姓諸郡望風以城降父老篋食壺漿擁道
迎之次峽江有潰卒數百阻山爲亂立命殲
其渠魁餘卒棄甲呼舞不戰而收民皆安堵
雖田園蔬稻一無所犯乃相謀曰此吾復生
之父母也立祠於鼇峯以祀之未幾兄弟相
繼仙去遂爲斗中都水使者出入天宮積行
累功默佑下民俾人皆盡忠行孝崇信三寶
遇歲旱民禱祠下祠前潭水深不可測俄有
靈蛇出蜿蜒于几案間色如丹砂雲起潭面

竟日不收詰旦果雨歲大熟一日潢溪霖潦
暴溢田稼墊溺衆方狼顧失色忽見有役夫
千群競操畚鍤疏其源決其流水竟不爲民
害已而俱失所在乃神兵也滄峽灘石峻嶮
舟船上下失勢水工叫呼祈佑感雲中有黃
旗隱隱即帖然無虞○民居有不戒于火者
有蝗蝻傷其稼者叩之則反風滅火蝗輒飛
去又爲符藥以施人凡嬰疾弗愈者服之無
不立效祈子息者服之即得嗣續蕃昌由是
民安物阜田里晏然閩人劉彝守桂州交趾

蠻賊寇邊陷欽連等州彝震懼莫知所爲齋
戒默禱賊果潰去其後韓世忠戰大儀鎮吳
玠戰和尚原俱遣將士衛國效八公山草木
之靈使敵遙見旗纛旌麾飛揚山谷鐵騎百
萬行陣嚴肅鉦鼓之聲震動原野不待交兵

壹十

四

而已敗北靈蹟顯異不可備述一日黃錄齋
筵忽聞天樂鳴空祥雲環遶仙官導從甚都
乃感天帝遣神人頒誥封江王爲九天金闕
明道達德大仙顯靈溥濟真人主管上清天
文院便宜行事行文昌司祿上宰僉書天機

省事妻涇國夫人許氏順助仁惠仙姑兼管
太乙延生右真司事饒王爲九天玉闕宣化
扶教上仙昭靈博濟真人主管下元地府諸
司便宜行事權南極注生上相僉書雷霆玄
省事妻衛國夫人陶氏善助慈懿仙姑兼管

元皇北陰注生司事仍封父忠武真人母仁
壽仙妃比者朕躬遘疾默運化機大闡靈貺
綉衛左右頃刻不離施以靈符濟以天醫妙
藥隨言隨效感應如響使困敝之體既危而
即安沈痼之疾盡脫而復舊斡旋之力同於

更生感神之惠銘刻不忘是用祝冊加封伯
曰清微洞玄冲虚妙感慈惠護國庇民洪恩
真君涇國夫人加封貞應仙妃仲曰高明弘
靜冲湛妙應仁惠輔國佑民洪恩真君衛國
夫人加封恭靜仙妃神父曰翊亮真君神母
日淑善仙妃舊號俱如故大新閩地祠宇又
於京都建立行祠以安神棲特勅所司嚴奉
祀焉

三十

五

夫爲人臣而功施社稷澤被生民者必生
爲英傑死爲明神雖百世之下福佑生靈

陰翊皇化觀知證知諤以世胄之裔事主
季世乃能靖難一方保全其民既攻閩中
按甲入境首除亂兵脫民鋒鏑之慘措之
衽席之安是以人心感激靡克報稱乃立
生祠以祀之逮其仙去禦大災捍大患使
民無凶荒疢癘之憂遂休養生息之樂功
成行滿上感天心錫號真人叙列仙品比
者幹運化機大闡靈貺愈疾朕躬是用加
以徽號新其祠宇虔奉享祀以答神休斯
皆累積陰功之所致故昭昭不朽與天地

相為悠久夫豈偶然而已哉詩曰

事親盡孝事君忠
華萼聯芳孰與同

更復精勤修至道
並分茅土受王封

又

當年駐節向金陵
萬里江南不識兵

師入七閩人按堵
幾多福澤在生靈

又

歲旱靈潭起螭龍
大施霖雨作年豐

潢溪水落民無患
滄峽舟船險更通

又

蝗無傷稼火無過

田野均蒙惠澤多

徧給靈符蕃子息

更能愈疾起沈痾

又

桂郡揚靈却寇蠻

現奇更效八公山

神兵百萬填山谷

頓解重圍頃刻間

壹十

六

又

靈符妙藥出天醫

翊衛微躬不暫離

起疾神功難報稱

再生感惠此心知

又

隨聲應感不移時

幹運功參造化機

馭氣乘風遊八極
天宮陟降闡靈威

又

生為名將建高勳
行滿成仙福有因

京國鰲峯長廟食
丹書錫號證天真

又

威靈濯濯更洋洋
衛國安民績愈彰

不獨聲名昭日月
永同地久與天長

保奏真君文

金闕侍中行九靈飛步章奏節制雷霆臣王
謹奏臣切謂道在無極之始冥冥杳杳不識

不知非心思計慮之所能也自天真皇人紫
筆定書然後學道者得以探其源洩其流撰
成科典靈文耳目斯世今有神焉以修齋執
戒爲功以度死濟生爲誓發爲文辭合於科
典凡曰長材秀民者莫不交口誦之其可稽
於徹聞乎切見九天金闕真人徐知證九天
玉闕真人徐知諤聲名冠世功德在民內察
其行外觀其跡委是骨像合仙有心積善建
功篤好三寶之士若非宿幸因緣窮神而知
化者孰能如此所著九真妙戒化文九嶽神

燈科格三界科保馬科並出於太上玄言究
微摘實自然成章靈音嘯咏可以爲浩劫津
梁所謂閉門造車者不計其歲月矣外有靈
濟醮科本願儀文七政燈科自非敢以爲已
功從民請也臣性識踈愚爲言輕賤考事察
能詮補職任躋進仙階今欲望聖慈允俞所
奏再將臣徐知證等所撰科典翻行三界合
屬去處各請遵稟照驗施行不惟顯靈濟濟
度之功亦足以張吾軍而慰民心之所望也
伏候

指揮

洪恩靈濟真君事實

共四

